

Morning Regional Dogri News Bulletin, 29th November 2024

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- प्रधानमंत्री नरेन्द्र मोदी होर अज्ज ओडिशा च पुलस महानिदेशें ते पुलस महानिरेक्षकें दे अखिल भारतीय सम्मेलन च हिस्सा लैंगन।
- जम्मू कश्मीर पुलस नै पाकिस्तान दे कब्जे आले कश्मीर ते पाकिस्तान थमां कम्म करा'रदे 7एं फरार आतंकवादिएं दी संपत्ति अटैच करी दित्ती ऐ।
- पंचैती राज मंत्रालय नै केन्द्र शासत प्रदेश जम्मू कश्मीर च 5 सौ नमें पंचैत घर बनाने गी मजूरी दित्ती ऐ।
- ओमान दी राजधानी मस्कट च मर्दे दी जूनियर एशिया कप हॉकी प्रतियोगिता च कल मजूदा चैंपियन भारत नै जापान गी 3-2 कन्नै हराई दित्ता।

<><><><><><>

PM Odisha

प्रधानमंत्री नरेन्द्र मोदी अज्ज थमां त्रऊं दिनें दे ओडिसा दौरे पर रौहगंन, जेह्दी शुरुआत केई कार्यक्रम च शामिल होने कन्नै होग ते इंदे च भुवनेश्वर च पुलस महानिदेशकें ते पुलस महानिरेक्षकें दे अखिल भारतीय सम्मेलन शामिल ऐ। त्रै रोजा चलने आला एह सम्मेलन अज्ज थमां लोक सेवा भवन च शुरू होआ'रदा ऐ। सम्मेलन च गृहमंत्री अमित शाह ते राष्ट्रीय सुरक्षा सलाहकार अजीत डोभाल सनें होर केई मन्ने परमन्ने दे लोक बी शामिल होंगन। सब्बै राज्यें दे पुलस महानिदेशक ते केन्द्रीय रिजर्व पुलस बल, अनुसंधान ते विश्लेषण स्कंध(रॉ), राष्ट्रीय सुरक्षा गार्ड, सतर्कता ब्यूरो ते एसपीजी दे प्रमुख सम्मेलन च हिस्सा लैंगन। सम्मेलन च राष्ट्रीय सुरक्षा चुनौतिएं ते पुलस बलें दी उभरती जिम्मेदारिएं पर चर्चा होग। सम्मेलन च आंतरिक सुरक्षा, साईबर अपराध, माओवादी खतरे, आर्टिफिशल इंटेलीजेंस ते ड्रोन जनेही उभरदी तकनीकें दे कारण पेश आवा'रदी चुनौतिएं पर बी सोच-बचार होग। इस दरान आतंकवाद कन्नै निबड़ने पर बी चर्चा कीती जाग।

<><><><><><>

PM Youth

प्रधानमंत्री नरेन्द्र मोदी होरें युवाएं दे भविष्य की सुरक्षित बनाने लेईं उनें की सब्बे मौके मुहैया करोआने दे धेइयें की दोहराया ऐ। **My Gov India Handle** दी इक पोस्ट पर प्रक्रिया दिंदे होई श्री मोदी होरें पक्की मेद बन्नी जे भारतीय युवा शक्ति नामुमकिन मुमकिन बनाई सकदी ऐ।



Amit Shah Terrorism

केन्द्री गृहमंत्री अमित शाह होरें आखेआ ऐ जे पिछले 10एं बरें च आतंकवाद, खब्बे धड़े आले अत्तवाद, विद्रोह ते नशाखोरी खलाफ महत्वै आली कामयाबी हासल कीती ऐ। लाल बहादुर शास्त्री नैशनल उे मंसूरी च प्रशासन अकैडमी च श्री शाह होरें विदाई समारोह की संबोधत करदे होई आखेआ जे केन्द्र च मजूद प्रधानमंत्री नरेन्द्र मोदी हुंदी अगुवाई आली सरकारै दी ठोस नीतिएं करी गै एह खरे नतीजे हासल होए न। मंत्री होरें इस गल्लै पर जोर दित्ता ते खब्बे बक्खी आले अत्तवाद की पूरी चाल्ली 31 मार्च 2025 तगर पूरी चाल्ली खत्म करी दित्ता जाग।



Kishtwar

आतंकवाद नेटवर्क पर कीती गेदी कारवाई च किश्तवाड़ च जम्मू कश्मीर पुलसै नै पाकिस्तान दे कब्जे आले कश्मीर ते पाकिस्तान थमां कम्म करा'रदे 7एं आतंकवादिएं दी संपत्ति की कुर्क करी दित्ता ऐ। आकाशवाणी संवाददाता होरें एसएसपी किश्तवाड़ जावेद इकबाल मीर हुंदे हवाले कन्नै अपनी रिपोर्ट च आखेआ ऐ जे कारवाई यूएपीए की बक्ख-बक्ख धाराएं तैह्त्त इक स्पैशल एनआईए कोर्ट थमां हुक्म हासल करने मगरा कीती गेई ऐ। उआं जम्मू जोन दे एडीजीपी आनंद जैन होरें जानकारी दित्ती ऐ जे पुलस नै फरार आतंकवादिएं की 29 होर संपत्तिएं की पंछान कीती ऐ, उनें संवत्तिएं की अटैच करने की प्रक्रिया पर बी कम्म कीता जा'रदा ऐ। उनें आखेआ ऐ जे राष्ट्र बरोधी तत्वे की पनाह देने आलें की चेतावनी देने दे मकसद कन्नै इक बड्डी रणनहति पर कम्म कीता जा'रदा ऐ। उनें लोके की सतर्क रौहने ते कनून नाफिज करवाने आले अजेंसिएं कन्नै सैहयोग करने लेईं आखेआ ऐ।



Poonch-IED

सुरक्षा बलें कल संजा पुंछ जिले दे मेंढर इलाके च इक पुलै हेठ छपेलियै रखे गेदे 2 आईईडी ते विस्फोटक समेयान बरामद कीता ऐ। पुंछ थमां आकाशवाणी संवाददाता दी रिपोर्ट मूजब सुरक्षाबलें जांच दरान नाले हेठ किश संदिग्ध चीज दिक्खी। जेह्दे मगरा इलाके दी घेराबंदी करी दित्ता गेआ। बम्ब नकारा करने आले दस्ते नै 2 आईईडी ते किश होर दूआ समेयान बरामद कीता।

<><><><><><>

Army Commabders

व्हाईट नाईट कोर दे जीओसी ते सीआईएफ रोमियो दे जीओसी होरें राजौरी च ट्रेन सेक्टर दा दौरा लाया। आकाशवाणी जम्मू संवाददाता दी रिपोर्ट मूजब इस दोरे दा मकसद मजूदा सुरक्षा स्थिति दा जायजा लैना ते बलें दी तैआरिएं दा आंकलन करना हा। दौरे दरान जीओसी होरें सेना दे बड्डे अधिकारिएं कन्नै गल्ल कीती ते आतंकवाद रोधी मजूदा कारवाइएं ते इलाके च घुसपैठ दी चुनौतिएं बारे पुच्छेआ पछाया। व्हाईट नाईट कोर दे जीओसी होरें बलें गी बी संबोधत कीता। उनें सब्बपे पर इस गल्ला लेई जोर पाया जे ओह पेशेवराना रौह अपनादे होई उत्थें मुल्ले कदरें गी बनाई रखन। स्तर्कता दी महत्ता गी उजागर करदे होई उनें आखेआ जे आतंकवाद रोधी कारवाइएं गी इस महत्वपूर्ण सेक्टर च अंजाम दिंदे बेल्ले ओह पूरी चौकसी बी बनाई रखन।

<><><><><><>

Dy. CM

उपमुख्यमंत्री सुरेन्द्र कुमार चौधरी होरें कल निर्माण दे भवन मैह्कमे दे चीफ इंजरनियर जम्मू दे दफतर ते सरकारी असपताल गांधी नगर दा चानचक्क दौरा लाया। उनें इस मौके पर दिक्खेआ जे केई सारे मुलाजम दफतर चिरें पुज्जारदे हे। उनें दफतर च गौ हाजर मुलाजमें खलाफ सख्त कारवाई करने दियां हिदायतां दित्तियां। उनें आखेआ जे सरकार लोक सेवाएं दी पुज्ज लोकें तगर बिजन कुसै परेशानी ते अड़चन बगैर पजाने लेई वचनबद्ध ऐ। उनें अफसरें गी हिदायत कीती जे लोकें लेई बनाई गेदी सेवाएं ते सुविधाएं गी हासल करने च उनें गी परेशानी पेश नेई आवै।

<><><><><><>

J&K Panchayats

पंचैती राज मंत्रालय नै जम्मू-कश्मीर च 500 नमें पंचैत घर यानी ग्राम परिषद दफ्तरें गी मंजूरी दिक्ती ऐ। प्रदेश दे ग्रामीण विकास ते पंचैती राज विभाग दे सचिव मोहम्मद ऐजाज अस्सद होरें कल एह्दा ऐलान कीता। उनें गलाया जे प्रदेश दे किश ब्लॉक ते पंचैतां खरा प्रदर्शन करै करदे न, जदके होरनें च सुधार दी लोड़ ऐ। उनें आखेआ जे जरूरतमंद खेत्तरें दी पन्छान करी लैती गेदी ऐ ते उत्थें मुद्दे गी हल करने लेई समें सीमा तय कीती गई ऐ। अस्सद होरें इब्बी दस्सेआ जे खस्ताहाल पंचैत घरें गी कम्मकाज जोग बनाया जा करदा ऐ।



LG-Textile

उपराज्यपाल मनोज सिन्हा होरें वीरवारें आखेआ ऐ जे जम्मू कश्मीर कपड़ें सरबंधी मेला भारत ते विदेश थमां खरीददारें लेई किट्ठे होने दा थाहर ऐ जेह्दा कपड़ा उद्योग दी तरक्की ते विकास च बाद्धा करा'रदा ऐ ते केन्द्र शासत प्रदेश दे उद्योगिएं ते मकामी कारोबारिएं गी फायदा पुज्जा'रदा ऐ। आकाशवाणी जम्मू दे संवाददाता दी जानकारी मताबक जम्मू कश्मीर कपड़ें सरबंधी मेले 2024 च मुख्य भाषण दिंदे होई कारीगिरें ते मकामी उद्यमिएं लेई बजारें तगर पुज्ज ते निर्यात दे मौके च बाद्धा करने बारे कीती। उनें आखेआ जे पिछले 50एं म्हीने च इस खेत्तर ६ मती तरक्की दी दर हासल होई ऐ ते प्रशासन नमी पैहलकदमिएं कन्नै मता अग्गे बधने लेई वचनबद्ध ऐ। सरकार नै कारोबारिएं गी जरूरी बुनियादी ढांचे दे विकास, माली मदद ते हुनर सिखलाई दे विकास पर जोर भरेआ ऐ। इस मेले दा आयोजन उद्योग ते बपार मैहकमे बपार गी बढ़ावा देने सरबंधी जम्मू कश्मीर ट्रेड प्रमोशन संगठन ते हत्थखड्डी निर्यात गी बढ़ावा देने सरबंधी काउंसिल आस्सेआ कीता गेदा हा। इस मेले च राष्ट्रीय ते अंतर्राष्ट्रीय खरीददारें, निर्यातकें ते आयातकें हिस्सा लैता।



DSEJ

जम्मू दे स्कूली शिक्षा निदेशालय नै पूरे जम्मू संभाग च मुख्य शिक्षा अफसरें ते डाइट दे प्रिंसिपलें गी हिदायता जारी कीतियां न जे 10 दिनें दी अवधि दरान जागतें गी बैग नेई आन्नने दी प्रक्रिया गी लागू करना। इस पैहलकदमी दा मकसद इक शैक्षणिक ब'रे च 6मां थमां 8मी जमात दे विद्यार्थिएं आस्तै नमी शिक्षा नीति यानि एनईपी-2020 दे मताबक अनुभव करियै सिखलाई हासल करना ऐ ते शैखिक दवाब गी घट्ट करना ऐ। 10एं दिनें दी इस अवधि दरान विद्यार्थिएं गी मकामी व्यवसाहिक माहिरें जियां माली लकड़ी दे कम्म करने आले माहिरें ते मिट्टी दे भांडे बनाने आले कन्नै कम्म करने दा मौका थ्होग जेह्दे कन्नै बक्ख-बक्ख पेशे च हुनर ते जानकारी हासल होग।



CS-4G

मुख्य सचिव अटल डुल्लू होरें कल केन्द्र शासत प्रदेश च जिनें ग्राएं च 4^{जी} नेटवर्क सेवा नेई पुज्जी दी ऐ उनें ग्राएं गी 4^{जी} नेटवर्क हेठ आन्नने लेई चला'रदे कम्में दा जायजा लेने आस्तै इक बैठक दी प्रधानता कीती। बैठक च दस्सेआ गोआ ऐ जे बीएसएनएल आस्सेआ प्रस्तावित 8 सौ 52 थाहरें चा 7 सौ 22 थाहरें अपने जमीन राजस्व मैह्कमे आस्सेआ उपलब्ध करोआई गई ऐ। 6 सौ 93 थाहरें उप्पर कम्म शुरू होई गेदा ऐ ते 415 थाहरें उप्पर टावरें गी लाने दा कम्म मुकम्मल होई गोआ ऐ ते इसलै 99एं टावरें दा कम्म जारी ऐ।

<><><><><><>

Poonch

पुंछ दे डिप्टी कमीशनर विकास कुंडल होरें कल पुंछ च कांस्टेबल एसडीआरएफ ते आईआरडी दी भर्ती लेई जम्मू कश्मीर सर्विस सैलेक्शन बोर्ड दी परीक्षा लेई कीते गेदे इंतजामें गी खीरी रूप दित्ता। पुंछ थमां आकाशवाणी दे संवाददाता अनुभव मिसरी नै जानकारी दित्ती ऐ जे पुंछ दे डिप्टी कमीशनर होरें एसएसपी शफकत हुसैन हुंदी मजूदगी च इक बैठक दी अध्यक्षता कीती जेह्दे च परीक्षा बवस्था आले ढंगै सिर करोआने लेई सब्बने सोजनाएं दी समीक्षा कीती ते परीक्षा गी सुचारु एंगै कन्नै करोआने लेई पिर्देश जारी कीते।

<><><><><><>

Hockey

ओमान दी राजधानी मस्कट च मर्दे दी जूनियर एशिया कप हॉकी प्रतियोगिता च कल मजूदा चैंपियनदभारत नै जापान गी 3—2 कन्नै हराइयै इस प्रतियोगिता च अपनी लगातार दूई जित्त दर्ज कीती ऐ। एह्दे शा पैह्ले भारत नै थाईलैंड गी 11—सिफर कन्नै हराइयै इक बड्डी जित्त अपने नां कीती ही। भारत दी तरफा थोक चोम किंगसन सिंह, रोहित ते अरायजीत सिंह हुडल नै गोल कीते हे। कल भारती टीम चीनी ताइपे दे कन्नै ते फही तारे कोरिया कन्नै ग्रुप स्टेज दे खीरी मकाबले खेडोग।

<><><><><><>